

響

泉

集

序

吾顧氏於江東爲舊族先世故多著述咸豐季年版悉燼於兵
火 德宗初葉族人之留心文獻者如悟秋集蘊塘集雙溪集
辟疆園集拜石山房詩詞鈔復稍稍刊行於世迨族兄綸卿刺
史之勤斯堂詩彙編出而家集益炳焉蔚焉抑何盛也獨五世
族祖廉使 晴沙先生之響泉集罕有傳本歉然於懷者久之
光緒乙巳鬻次吳興同里朱達夫大令鑑章來復宰歸安藏有
是書乞歸寫副本并輯其遺佚者補於篇其得詩十七卷雜文
一卷詞二卷都爲二十卷弄藏有日矣今秋任德清河篆政閒
多暇亟謀重付剞劂以廣傳播族兄季欽分轉既刻公之梁谿

詩鈔寓書告余余復與合力鳩貲擺印不數月而竣事其繕錄
所需校讐所費及有不足者余捐俸金補益之惟按公年譜丙
午以後猶多吟詠是編殆猶非完璧歟他日足本續出再當壽
諸本以饜世之讀公書者

宣統二年庚戌暮秋五世族孫鳴鳳謹序於德清官廨

序

吾鄉於 仁皇帝之世邑中稱能詩者有嚴秦杜顥四家 顧
嚮泉廉使稍後出名與之相頡頏先生爲學攷師子承楊先生
昌祐之外高祖嘗豔稱其嘉州渝州五官詩爲殊絕清夷疎曠
稱其爲人蓋入蜀帳目睹劍閣棧道瞿唐滙瀨諸勝凡少陵放
翁之所經歷眉山蘇氏桑梓之所游釣宋景濂父子徙謫羈愁
之所觸發益以江山之助胸臆無所不吐片句隻詞之虛實不
苟而不浪用其才故吾邑推詩律之嚴者莫若先生余弱冠時
卽嚮慕其書不止洵更喪亂版燬於兵求之數十年卒不可得
庚戌莫秋其五世族孫 意城通守得之朱達甫大令鑑章家

僅詩十六卷意城又補輯詩一卷文一卷詞二卷都爲二十卷
一日自德清寓書於余云將再壽梨棗以永其傳刻既成牘序
於學攷余維士大夫當海宇昇平出則諏謀前度王事靡盬處
則白華南陔色養無違抒寫性情言近旨遠有二南風人之遺
者此其人千百載未易一工相遇先生由臺諫出守甯夏播涼
莊道陳臬四川與王蘭泉司寇吳泮之學使查儉堂方伯輩互
相唱和號爲詩友年未五十棄官養親拳拳忠孝物外超然汜
今讀其遺集猶若髣髴見之世有其人吾雖執鞭而侍亦忻慕
焉是爲序

宣統二年庚戌莫冬鄉後學漑泉居士凌學攷謹序

原序

昔太白慨大雅不作憲章淪亡清真復古觀其所著古風五十餘篇知世俗驚眩其才豔而苦無繩尺步趨者以未識其指歸也宋大家皆宗杜惟歐陽宗李嘗自謂廬山高一篇竟是太白夫歐之非李豈不自知而一兩篇偶得其似卽極口自譽而不諱蓋獨尋真脈心摹手追不忍沒其本心所注爾晴沙侍御學詩二十年一日謂余曰吾詩無幾意欲先得子序予非作者而侍御一字一句必見之其入想單微直追風雅經營慘澹規矩唐賢尤契青蓮以清真爲主夫人真見所到若天啟之至精神粹發氣味遙通自謂獨抽秘妙舉而質之少有應者古人之所

著章章如此而濳漠猶是今以一時所作見賞目前以爲逼真
古人無有是也夫不見信於人而自疑其見此自立之難也未
必見信於人而不敢自疑其所見以埋沒古人此歐陽之不自
諱其本心以底於成也然則侍御之於詩亦不自負其真見以
臻古人真實而已是爲序

乾隆三十年乙酉重陽日學弟 王宮拜稿

原序

詩競言音節矣音之起由人心比音而按之乃有節節易按而音不易傳清濁大小哀樂剛柔音之屬也遲速高下出入周疏節之屬也清廟之瑟壹倡三歎而有遺音音甚微而難言故漢魏六朝初盛唐諸家之詩傳者節也不傳者音也比音以赴節無不應節者矣按節以審音無不知音者矣予去春抵蜀時饗泉觀察示所作嘉州渝州諸五言於近賢則昌穀蘇門爲近旣乃盡出所爲詩詩約有三變愈變愈道而出人多在逸處自言少習唐音于大厯後未一寓目旣乃泛涉宋元明諸家以窮其正變遇不快意處輒歌李杜詩三數篇其音輒與心動故節不

必唐而音不可不唐予乃以數音之感人深而節尙無與也夫
詩之節隨乎音音既是感人又必選音以妙於所感故曰寬
而靜柔而正者宜歌頌廣大而靜疏遺而信者宜歌大雅恭儉
而好禮者宜歌小雅正直而靜廉而謙者宜歌風以聲歌之所
宜養吾心心有動而宣爲音庶與風雅頌之音相應而節無弗
中焉吾不知響泉之比音以赴節與按節以審音而其道已微
矣逸氣之得于天固無論也昔孟東野梅聖俞黃魯直之詩同
時如退之永叔子瞻每好之而效其體論者以爲是由才大然
體視於氣猶之節後於音體似矣不盡有其氣節似矣不盡有
其昔響泉之好初咸唐之音有意比之繼且無意比之宜其起

于心而音之有以動我如是也且夫泉仄爲汎尾爲漢正爲濫
縣爲沃丁然璆然匊然響者音也抑節也或曰李汧公有琴
名響泉響泉以喻德且喻詩故其統與其集成取此夫琴吾不
知也序此詩以爲知此音則幸矣乾隆甲午五月望日南匯吳
省欽序

序

昔人學殖所醞釀精氣所結韜恆徵於語言竹帛之間其稱心
而出激宕淋漓音響節奏又各視其所造惟所愿之境奇故能
顯其才之奇其源汨汨然其質熊熊然意氣全湧思力橫驚若
矢之激弦星之奔杓會不可以禁禦也華陽顧使君爲洞陽先
生八世孫以直節傳家別業清溪莊尙存君自幼讀書惠山之
貫華閣挹二泉之爽潔慕高顧之清芬燕侑乎與流俗遠矣其
由農部至烏臺輪蹄酬應校量篇什爐香茗椀終日晏如及夫
奉使隴右講求農田之利已而軍興旁午馳驅關塞籌畫機宜
觀其南征詩據鞍有作自打箭爐至章谷疊嶂橫峯湍流駭浪

宵冥幽異羊腸百折行五百里無咫尺平坦地又百里抵達武
大軍駐焉戰陣攻守聚米成圖至於紀木果之役弔慰忠之祠
淒涼悲壯斫地可歌而少年書生之什直與玉溪生相爲伯仲
因歎徵發騷騷之時重金兼紫櫝金帛而長子孫者多矣如君
者可謂之知兵謂之有勇幸王師之克捷寫叱馭之壯懷其
倜儻奇偉之句足以備詩史方當論功行賞旋以親老陳情急
流勇退惟忠與孝二者兼之不其難乎其以嚮泉名集者蓋不
忘釣遊之所也昔鄒彥吉作惠泉亭記謂名雖第二實則第一
今以君詩驗之其曰噴薄詭激其源沸湯是詩之演灑不窮也
渟泓閒止可鑒毫髮是詩之別裁有體也薊病析醒挹注無已

是詩之風流宏長也易曰習坎有孚惟心亨孟氏曰源泉混混
不舍晝夜有本者如是諗君出處踪跡已經萬里而挹注高深
吐棄凡近惟懸泉是依君歸後訪予於鯀溪南園之間予詠詩
曰溯洄從之道阻且長有遐慕焉爰推言其境之奇以顯其才
之奇而兼爲推本於先世以見使君之詩可以信今而傳後者
其來有自云

乾隆丙申嘉平月葑溪同學弟彭啟豐拜撰

光緒辛巳無錫金匱縣志卷二十

宦望

顧光旭字華陽乾隆十七年進士授戶部主事累擢監察御史屬直隸山東大水光旭奏請以工代賑並借給牛具籽種以資耕作報可出爲寧夏知府調平涼值歲旱請開賑與布政使忤而光旭竟先發銀米民得無饑陝甘總督文綬移任四川時方有金川軍事文綬奏請以光旭隨往署四川按察使蜀有失業奸民俗名囑魯子者四出劫掠光旭督役搜捕獲其眾懲治之羽黨股慄誓改悔尋以秋讞失出罷歸光旭學術純正工於詩尤精書法居官有清操歸主講東林十餘年卒子永之舉人挑發河南決獄平恕而伉直如父湛之國

子生葆之歲貢生沛縣訓導皆有學行

響泉先生遺像



於赫我公亶惟貞良抗疏賑饑
豈弟慈祥金川轉粟武服洗
沈陳集於蜀鋤莠振綱東林
講學紹衣涇陽克明峻德邦
家之光
五世族孫鳴鳳贊

響泉集總目

詩一

泉上小藥

古近體詩七十一首

詩二

半日讀書齋餘藥上

古近體詩七十二首

詩三

半日讀書齋餘藥中

古近體詩九十二首

詩四

半日讀書齋餘藥下

古近體詩九十五首

詩五

可耕餘藥上

古近體詩六十五首

詩六

可耕餘藥下

古近體詩九十一首

詩七

風草行廬藥上

古近體詩七十四首

詩八

風草行廬藥下

古近體詩七十三首

詩九

叱馭小藥上

古近體詩八十七首

詩十 叱馭小藥下

古近體詩九十首

詩十一 我眉小藥

古近體詩七十二首

詩十二 吳船小藥

古近體詩七十四首

詩十三 錦樹園藥

古近體詩八十二首

詩十四 吾廬漫藥上

古近體詩六十二首

詩十五 吾廬漫藥下

古近體詩九十七首

詩十六 松風閣藥

古近體詩一百零六首

詩十七 浙游小藥

七言律詩四十二首

文一 晴沙賸藥

雜文十一首

詞一 清溪樂府

大小令四十五闕

詞二

清溪樂府

大小令五十九闕

響泉集 詩一

金匱 顧光旭 華陽 五世族孫鳴鳳校刊

泉上小蘂

起丁卯秋止
壬申夏五

余弱冠讀書懸山貫華閣嘗夜至漪澗堂九峯月出五更泉
注拾松子烹茶竹爐中意有所得輒吟小詩易曰山下出泉
蒙泉之出蒙之發也顧少作鮮可存者刪而存之名曰泉上
識泉之始達也

清溪莊

井序

清溪莊在吾邑試泉門外去西定橋一里 先八世祖洞陽
公別業也明武肅間公以直諫雨受廷杖旣而解組歸築室

於此林壑清迥烟水澄鮮諸先輩唱和稱極盛邑志載焉今
池亭竹石無一存者惟老榆兩株亭亭蔭蹊衢間蓋二百餘
年所矣永懷 先澤敬賦是詩

木落羣山空松雲閣岑寂我 祖此歸隱瀟灑古巾幘清溪爲

池沼九峯當几席寥落二百年緬想君子澤扣馬泣上書批鱗

請宣冊殿中檻猶丹衣上血恆碧 海忠介公謁先公祠詩有
云志矢回天會扣馬功同浴

日再批鱗三生不改冰
霜操萬死仍留社稷身終懷明主恩詎抱烟霞癖白日照精誠

華簪臥泉石乃知逢比心不類箕顓跡吟嘯碧山社逍遙紫煙

客 公既歸修復碧山吟社與王僉事周華
學士蔡諸先輩爲後十老賦詩其中彈琴竹林深垂釣蘆

洲夕手種雨株榆陰蔭三畝宅陵谷雖變遷枝柯無改易殘秋

迷行徑亂葉蔽泉脈訪舊問耆老尋幽越阡陌褰裳誦清芬溪
水迴遠白

讀書惠山貫華閣三首

雪破冬巖綠寒生石閣深
細泉流樹杪斜日憺山陰
終歲謝塵跡有時行竹林
門前雲木秀下上聽鳴禽

梅樹何人植陰崖不計年
我心澹如此獨立山蒼然
虛閣迥生白壤離寒帶烟
半林斜月下清影落琴絃

山翠與烟霏空青欲濕衣
看人行木末候月出荆扉
夕磬僧初定長林鳥共依
無言九峯靜曖曖見雲歸

泉上吟

泉上山山上泉泉聲翠微裏山色浮青天山中發聲泉倒影照
見飛花落明鏡落花無人春鳥鳴清泉白石空山靜漪澗堂上
幾詞客曾試清泉碧山碧五更月落泉聲來滿注銀瓶飲其液
我生不學桑苧翁但願芙蓉湖上推孤篷大瓢貯月饗茶曰小
艇橫烟攜釣筒遨遊五湖歸九峯片帆正落前山鐘盂端竹爐
今尙在山僧爲我開筠籠湛公宅畔莎草綠黃歇廟裏棠梨紅
浩歌細剔唐碑蘚半醉刼倚秦時松倦來且卧石床上明月自
照烟蘿中吾欲起呼山童漱吾齒盪吾胸流泉涓涓繞吾榻洗
盥更酌生清風

虎邱二首

山上雲復雲山下波復波千年此虎阜幾見麋鹿過芳甸忽以
綠時鳥鳴相和白日照華屋美酒酣清歌起視古邱墓長松鬱
嵯峨悵悵吳宮人翩翩衣越羅朱顏易凋謝春華竟蹉跎揮手
弄餘景愁思何其多

吳歌清且圓十指動繁絃一絃傾一觴春風蕩華年夫差去已
久流俗今尚然泊舟閭門外喧呶亂人烟解纜去洲渚寒漪漾
澄鮮沿洄逐空影遂與波流連欲訪鴟夷子五湖曠周旋胡爲
事形役溷跡於市廛

山行四首

芳風藻清川蘭馨遠芳馥洞戶寂無人春巖自幽綠

懸藤鉤暗渚叢篠倒寒影花落釣人稀斜陽下竿頂
山中一無聞孤雲扣清磬聲遠不可尋風泉自相應
抱琴入深松風調兩清絕知音適未來含微佇微月

山居曉起

高臆辨松色宿雨曉仍在晨光延几席雲氣入晤對徐徐理盥
櫛稍稍整巾帶撫絃屏干慮散帙沉萬籟林花朝露晞諧氣變
眾卉此中有經綸物外隨顯晦力田愧老農灑掃謝時輩不聞
塵市喧連山起蒼靄

高忠憲公祠

竹柏依然戶半扃孤臣何處拜明廷猶存直道歸清議終爲斯

文守舊經止水翻風掀浪白九峯拔地到天青傷心莫問彭咸
則衣帶書成一涕零

石門對月

到此天高萬籟清坐看露白月華生巖間宿鳥三更出樹裏寒
泉百道鳴窗迥乍臨松影直雲空惟覺鶴身輕洞門長閉無消
息遙夜何人按玉笙

古塞下曲

光祿塞前連朔漠夫人城外易黃昏漢家飛將今何處瀚海流
沙帶血痕

明妃曲

宮花續紛朝露浮
天池曉碧鐘聲流
內人傳詔明妃出
初日正照銅龍樓
宮中綵女思欲絕
親見明妃辭漢闕
低頭拜闕落金鈿
有淚還傾漢闕前
迴聽御柳宮鶯語
似爲離人奏可憐
團團執扇如明月
明月還應有圓缺
誰言賤妾怨丹青
塵沙滿面單于妾
妾身長秭歸村汨羅
曾弔三閭魂
古來騷客倚如此
何況賤妾承君恩
欲去仍迴過紫陌
陌上行人三嘆息
安邊豈必倚和親
肯遣明妃嫁遠人

附
同作

無錫
顧斗光 隲七

單于常寇漢傳至
呼韓邪稽首願和親
天子爲咨嗟
詔選良家女
去作閼氏比公主
妾前不合惱畫師
遠抱琵琶嫁胡虜

君不見白登七日困高帝歸來但作和戎計
冒頓幾爲魯元壻又不見孝武好大開邊功
搜括糧餉閭里空將士肝腦塗地紅和戎開
邊孰得失天下昇平由賤妾

素交行

君不見戰國四公子其風乃自延陵來訂交
縞紵拂劍佩却令朱履追塵埃君不見東漢
清流目李杜齊名死亦足其源出於嚴子陵
後有龍尾與龍腹此道今人棄若塵乘車戴
笠行逡巡古來聖賢望三益不愼之始失所
親長安甲第多烜赫王侯將相羅星辰歌鐘
考鼓日西下雕盤綺席紛厭賓苞苴不入夷
惠宅傾奪常憂田寶身不須更廣絕交論豈
有餘暇能方人寂寂

吾徒二三子相逢杵臼炊車輪子將月旦今何有舒卷六合還
其淳

江南別

朝泛春江雲暮泛春江月江雲碧於環江月白如玦環以結同
心玦以贈遺別遺別向何處送郎從此去芳草綠汀洲郎愁妾
亦愁願爲江心石傍郎江上舟郎舟乘潮上妾心繫雙槳郎舟
任風遙妾心隨蘭橈遠近逐郎去愁絕爲風潮風潮有時息頻
望江南客江頭悄無人風吹荻花白荻花寒思多朱顏易蹉跎
望郎郎不至有淚如江波江波流不盡無那別離何

長干行

寂寞彼姝子盈盈飲恨端門前隔江水家住小長干長干巷裏
風吹柳翠黛紅妝大垂手貧女慙寒不下樓平階雨長青苔厚

董逃行

董公天下之健者殘毀鐘簾壞銅馬路人嘆息恨桓靈千里飛
灰無片瓦朝殺李杜夕尸蕃武庫人張兔置網羅挂龍虎可笑
袁本初不能立門戶西召隴西卒東郡發強弩閹人手擲何進
頭部曲散亂無人收猾虜肆毒逞逆謀四世三公良可羞橫刀
長揖奔冀州太尉王琬司徒楊彪廷諍而死嗟彼伍周倒持太
阿授人柄兩宮流血天爲愁當時名士沒人在禁兵潛入涼州
隊可憐石顯十數輩運丁百六竟如何陳師鞠旅將誰待將誰

待清帝京掖門討卓卓馬驚西市然臍達曙明

五劍篇

西園華丈

五光

作四劍歌蓋以史記項莊項伯樊噲范增而

作也予謂是時項王按劍得五劍焉遂作是篇

學劍一人敵按劍將何爲鴻門大張宴天地黯不開玉玦再三
舉對面酸風來一劍注沛公一劍翼蔽之一劍乃直入卓立張
鬚眉問客何爲者慷慨前致辭腰間劍芒利座上劍鋒摧砉然
碎玉斗擲劍心徘徊

倪雲林故居

死靈東蹈海生不西帝秦寂寞魯連後雲林四百春

仲雍墓

仲雍逃荆蠻非爲託高尙感茲文身區敦厚重揖讓戔戔海隅
山云是仲所葬寧知萬古心策杖一孤訪遐哉商周際伯璵仲
當王偕隱竟不返仁至義亦勑我來青松陰聳身白雲上海色
明古縣寒烟澹層嶂遙企讓王墳青山鬱相向春風采藥行落
日聞樵唱

桃源澗

迤邐一峯秀雨洗松杉明惠風乍來過灑然散林聲林梢與泉
憂我心閒更清霏霏吐雲氣隱隱聞雷驚問此是何處豈以秦
人名桃花開且落春水亦方生荷鋤村舍晚倚棹漁舟輕山水

有真意烟霞空復情

舟中讀李太白集

明明海中月光照海上雲方壺員嶠不可至淥水蕩漾空中聞
昔我李夫子本是謫仙人手折若木枝隨風盪無垠一朝詔上
金鑾殿至尊降輦來相見方朔寧辭金馬門揚雄合侍甘泉宴
甘泉賦奏上林苑宮中遲日流鶯轉但見延年起舞歌誰教趙
豎援琴諫回首空悲東武吟龍池柳色青春深屏風九疊開雲
錦取醉且宿匡廬陰南浮洞庭張廣樂按鼓鳴笳控黃鶴異時
見脅永王璘當年獨識汾陽郭男兒在世絕可憐拔劍欲擊心
茫然走天騎虎不敢下奇氣橫出凌雲烟雲烟變滅瞬息間四

望青天安可攀海風飈落大鵬背黃河欲倒崑崙山龍吟鏘然
鳳鳴繞粲花霏屑滿瓊島將過齊國訪魯連更向商山尋綺皓
有時醉著宮錦袍亦復倒垂綠玉緋羣鷗點點戲滄海海上持
竿釣六鰲鴻章鉅筆照今古舉盃見月便起舞蒼茫月落大江
橫使我舟中夢天姥

幽思詩

高林碧泉秋厨濕烟蒸氣成茵白雲綿綿綠澗瑤草乃涉芝田
幽人何許非隱非仙

古月瀉光松風吹香拂衣整襟矚彼素商凝神太清悠然天闕
紅輪湧海門外扶桑

雲橫夕清鴻雁夜聲今我不樂高志放情明月滿把言刈石英
空山夢醒道然曲肱

晚過石林精舍梅樹下

悠然翠微裏閑卧贊公房月上九峯靜風來一院香
單枝橫秀氣淳意發幽光獨立石林下余情其信芳

答天鈞上人見和用前韻

愛汝石林月月邊開竹房無人有梅樹冉冉自生香
獨得古風味中分殘雪光詩成見真性花雨散圓芳

大人命賦庭梅仍用前韻

南國有嘉樹春暉生玉房早烟凝綠髓餘雪沁寒香
以此太和

氣多成明月光芝蘭在階砌可與比芬芳

贈梅四疊韻

白雲去巖戶玉骨卧山房獨出冰霜色能令天地香伊余非宋
璟疑爾是嚴光欲賦更回顧不言而自芳

書荀陳傳後

桂樹生太山枝葉交相鮮上有漣漣露下有淵淵泉二方既承
則八慈亦繼塵于時德星聚仲弓方造荀使慈明行酒使叔慈
應門六龍爲下食文若坐膝前桓靈旣失道山澤多遺賢猶儲
公輔器天地資轉旋如何在下位風化亦以宣人倫共扶植吾
道無遮邇

讀陳書

璧月夜夜滿瓊樹朝朝新何人爲此語狎客侍臨春可惜江總
持爲樂非唯麟遂令陳後主破國殉如嬪

登錫山望湖亭

湖光動絕檻塔勢湧層昊三萬六千頃秋景爲誰好濤頭飛片
帆日脚下孤鳥中有范蠡宅寒烟沒深島

閉戶

閉戶鏡羣籍空庭墮秋葢冥心薄蒼穹了了見海嶽一意之所
如有若游天鶴憑虛出天地悠然返寂寞收視涉圖史紛葩眼
前落汪洋亦瀨瀚萬象縱揮霍不識箇中妙安知靜者樂無言

得超詣名理歸澹泊

春思

春雨綠郊圻相思江水肥
烟中柔艣響花外早鴻歸
山色粼粼見波光漸漸微
愁多夢蝴蝶飛去落君衣

題趙承旨桃源圖

桃花源水綠於烟一波千折春風顛
舟行自轉不知遠萬壑度
盡雲霞鮮霞斷雲連無雜樹桃花亂
落秦人語當時只道入山
深青山却送漁郎去

詠史七首

賈誼聲名壓朝右漢文直欲老其才可憐
痛哭陳書後空見悲

歌作賦來湘水浮天呼屈宋梁園他日付鄒枚攸身轉爲少年
誤宣室何因得再開

文園消渴病相如狗監當年薦子虛一自西南歸使節便辭朝
請就閒居白頭未與公卿事青瑣偏求封禪書寂寞上林花亂
落同時流輩已無餘

壯繆威靈走區夏孫曹何地可相容奸臣竊命無遺策時議遷
都欲避鋒機夢自驚槽上馬長江難鎖水中龍紫髯應悔荆襄
役落日寒潮建業鐘

豎子成名信可悲阮公沉飲竹林時眼分青白同埋照口不雌
黃自詠詩鍛羽難爲孤鳳舉潛身焉用逆鱗批嵇康寡識遭刑

戮吏向何人哭路岐

朝野清談百不營中原轉戰大江橫
圍棋賭墅東山客鶴唳風聲北府兵
遠志未應譏小草羣公何以慰蒼生
迴看諸葛真名士無復南陽得退耕

紛爭南北干戈際颯爽英姿草澤中
捫蝨而談王景略鼓箏自酌李元忠
恨無附鳳攀龍遇常負圖王定霸功
事業直須關運會書生若箇出羣雄

李泌何如張子房百年中歷幾滄桑
白衣問道叅帷幄紫禁還家事縹緲
四皓不來成羽翼三秦已定得徜徉
飄然身世知何術將相神仙奕葉光

澄江集沙氏園林

水落潮痕在荒園古木稀
扁舟明月下孤嶼晚涼歸
野客攜樽過江魚入饌肥
平生漁弋興終擬製荷衣

訪澹白上人不遇

竹聲風浩浩池影天潭潭
言訪澹白子采藥南山南
落葉無人徑門前多夕嵐

壬申春同從兄南華曜七雪後早發丹陽

月出寒原曙征人盡妮裝
四山浮白雪一水遶丹陽
浦樹迴帆影江風入鴈行
呂蒙城外柳春色正蒼蒼

石頭城

王氣銷江左潮聲撼石頭從來天府地遙接海門秋大帝開英
霸吾徒及壯遊紛紛前日事誰與問沙鷗

秦淮曲

秦淮水遶白門灣士女江頭打槳還潮落潮生來又去船窗面
面六朝山

滿城哀曲惱箏琶一宿秦淮水上家乳燕欲飛驚又老青青楊
柳白蘋花

五更風急夜烏啼盡捲烟花入鼓鼙寄語江南詞賦客秦淮舊
事不堪題

金陵懷古四首

江國春寒酒不勝尊前萬事正填膺雨沉揚子津頭鼓風落秦
淮水上燈玉樹瓊枝三閣月青松白石六朝僧昨來橫棹蘆花
岸幾點烟簑雪滿簷

猿鳥何知有是非空山草木散芳菲過江王謝今安在入洛機
雲竟不歸鍾阜半青春澹澹婁湖餘白月暉暉祇應築室爲招
隱憑弔寒烟詠采薇

勞勞送客柳條青送盡南朝絮滿汀猶有黨人尋舊院可無朝
士泣新亭移舟曲岸聽殘筵高枕寒岡看落星不獨江關氣蕭
瑟庾郎詞賦亦飄零

鐵鎖銷來走浪花可憐四鎮似蟲沙
抽戈彭龍遼東豕

謂高麗
條輩

馬公孫井底蛙如此江山雄帶礪依然水木湛清華行人莫更
增惆悵屈指降幡六七家

雨霽獨遊

江風吹雨細於塵雨歇烟光上綠蘋灌木春鶯三弄曲雙柑斗
酒四無人空攜柳惺惺捶琴欲挂林宗塾角巾遮莫垂楊更無
賴亂飄飛絮過東鄰

舟過焦山下遇風雨作

鼓枻發揚子金焦欲傍船乍看雲雨至驚起蛟龍眠山峙低昂
地江鳴上下天獨當風力勁莫使布帆偏

李相讀書臺

唐李文肅紳嘗於惠山寺讀書舊志載有讀書臺及宋元時碑記今無存者

李公手植雙溫樹一上家山去不回我向泉間問耆舊更無人見讀書臺

在山泉水出山雲流到人間處處分雨氣欲消虹欲斷埽苔閒覓舊碑文

邵文莊點易臺

泉翁點易處靈跡秘邁經寂寞斯人去空山石氣清烟霜虛萬象天海落孤亭滴露泉何年竭荒臺走迅霆

北上二首

桃花漲溪口黃鳥春風時纜舟不能發行子有所思所思亦何
苦所苦遠別離束帶拜堂上欲語訕言辭喜懼一以并不知涕
漣而親戚或勸駕儔侶亦相規男兒四方志騏驎千里期惘惘
出門去長吟岷岵詩

人皆有兄弟我生而獨無養子甫一句聊可爲親娛婦本寒素
女洗手視中厨晨夕代夫子勉事爾舅姑操刀念傷手汲水思
井枯男兒及少壯努力當馳驅安能守貧賤入室向妻孥他年
獲侍養迎子於上都

毘陵離席呈趙丈教授

永孝

貰得蘭陵琥珀紅當筵難放玉樽空卽看書籍慙王粲豈有才

華報孔融吳楚江山名士業齊梁池館故家風
匆匆離思紛如織只在嵐光樹色中

舟中寄同學諸子

月落揚子帆江風吹宿霧柳色辨人烟鐘聲起瓜步
浮沉波上鷗出沒洲中樹相思若江水日夜東流去

黃河

太山橫其東太行經其西乃知大禹心因山以爲隄

沛中

四海縱橫三尺劍沛宮置酒欲銷魂人生惟覺故鄉好
父老都忘天子尊萬木悲風鳴泗水亂山落日照彭門
英雄成敗俱陳

跡何必重瞳有淚痕

舟行雜詠

流水不相待舟行頻問之江烟郭璞墓淮月露筋祠悵矣更懷
古偶然爲賦詩孤吟誰和者飛起兩鷗鷺

殘星飛雁外疎雨落帆前曉失江南樹晴開濟北烟得瞻鄒魯
地且續孝廉船大雅久不作鼓濤彈響泉

太白樓仍在少陵祠正開乾坤雙寂寞今古一徘徊落日依山
盡長風度海來采蘋聊欲薦解纜莫相催

鷗睡不成夢鶴飛何處鳴魯連村外月終夜照聊城水落舟航
勢塵喧闐闐聲永懷天下士於此謝華纓

響泉集詩一終

無錫文苑閣排印

御泉集 詩二

金匱 顧光旭 華陽 五世族孫鳴鳳校刊

半日讀書齋餘藁上

起壬申秋
止丙子冬

半日讀書朱子語也壬申秋九月余授官農部散直率不過
日眈輪蹄酬應歲月坐失深自懼焉吾名吾齋日計蓋猶不
足矣自是秋至壬午冬所存詩釐爲三卷

卜居四首

蹶屨瞻 丹闌卜居綠碧林遠鐘秋水外古巷夕陽深濠濮知
魚樂山梁見鳥心疎慵吾豈敢祇自愧華簪

不逐五陵豪空餘一徑蒿廢畦山雨積秋屋瓦松高未減林泉

色誰言車馬勞二三朋好在步履倚東臯

江南秋色裏橘柚滿林園水葉明翹鷺山條落挂猿寒花猶抱
石疎柳尙依門我始霑微祿端居荷聖恩

少小誦文史閉關窮冥搜未曾親吏事直欲息交遊暮夜知楊
震青春愧馬周數椽容膝地寥落白雲秋

留閣學宅同周

天度仲鶴慶

兩同年看菊得真字

先生五柳禁城闔門下多爲社裏人滿地秋雲成片暖一年詩
境最清真良田廣宅仲長統紅蘼紫葵周彥倫坐久色香都不
著祇應明月是前身

西堂

西堂夜靜梧竹清
檝檝蕭蕭響疎雨
援琴欲奏琴無絃
月出虛廊鞠通語

懷龔四思補同年

汝岳

庭樹發歲蕤春風入瑤瑟
美人期未來鳴雁忽相失
帆開隔浦烟雲上孤峯日
離思與江花紛紛自濛密

壯士行

堂上置酒堂下歌
信陵賓客何其多
夷門關吏老且死
只有肝膽懸明河
古來壯士亦何有一語相知不相負
劍光吐作白虹飛
傾懷瀉入黃河走易水歌餘變徵聲
督亢圖終見匕首惜哉銅柱功未成
亦似金椎時不偶
時乎時乎安可知
丈夫處此良

獨悲騎馬出門身許國腰下寶刀秋水色
斬蛟殺虎無足言倒海移山有餘力
徒傳笳鼓樹奇功仗劍登壇氣自雄
韓信千金賜漂母未嘗一語酬滕公
乃知恩大報無小掃蕩天下如旋蓬
當年國士倍項羽他日眞王謝
蒯通但見子儀贖李白可知鵬
舉思宗澤風塵淪落天下才骨朽
青山壯心赤

寄華大士衡

塔影莊前柳烟寒思不禁
溪光帶行色花意媚春陰
更落空山葉其如遠客
心思君似芳樹惆悵白雲深

余北上士衡饒
送於塔影莊

送從兄星五之官瀘溪別後却寄

木落洞庭晚天秋一雁過
雄風餘夢澤小邑始絃歌
雨黑啼山

鬼烟青祀伏波此中猶近古禮教復如何

素業倚江東雲閒復水空慨然揮扇意癡絕借帆風赤壁扁舟
外烏鰲落照中壯遊懷偉烈鼓枻送飛鴻

栽花應滿縣晨夕牽慈顏蘭氣三閤宅書香二酉山秋風菰米

白春雨竹枝斑小徑籃輿入迎人一鶴閑

別後薊門月秋來香滿輪遙憐楓樹冷未識桂枝新癸酉秋南華兄傷京

試荀有無雙譽兄少有神童之號郊廬第一人郊謂大宋南華兄長星五一歲承家清

白在世德守貞珉

春明車馬路而我避喧呶嘆息輕肥客何如杵臼交筆花寧吐

風琴響豈騰蛟寂寂揚雄宅無因自解嘲

夜赴海淀卽事

月淡星稀曉漏催車如流水走輕雷鐘聲纔動聽魚鑪道是山
公啟事來

高粱橋畔駐雕輪裂帛湖波碧玉春水軟風柔楊柳月滿身清
影斷無塵

春遊不果獨酌

春風美酒香蒲卮酌酒問春春正遲庭樹烏生八九子野牆花
發兩三枝軒轅臺上月如水泰伯城邊山似眉寄語白鷗飛且
止五湖可以相追隨

次韻持翁過揚州作

昔年書劍過揚州
五月垂楊繫客舟
簾下簫聲隨月起
苑中螢火入江流
衣冠已古終憐吏
風雅於今尙屬歐
一卧短篷清夢穩
不知何處是青樓

附原作

無錫顧維持國

十年無夢到揚州
又向平岡一繫舟
春淺但看梅意思
雨餘惟愛竹風流
商量詩句空吟杜
點綴江山始識歐
稽首慈雲塵劫盡
不須惆悵問迷樓

陶然亭遲秦農部

朝紆

不至

陶然獨倚孤亭上
此地能清遊子心
魚影行空寒藻淨
鐘聲滿院落花深
茗香人靜憩禪榻
沙冷雁飛橫素琴
我欲忘歸君未

至閑閑車馬帶平林

叙懷十首

林茂斧斤至的張弓矢鳴鼓陰厭鳥息醯酸蟲蚋生尤悔起細
微坐使瑕釁成至道美謙德先訓戒滿盈水濁斯濯足水清斯
濯纓

隆隆伐鼙鼓揚旗樹赤羽少壯集大勳古來惟鄧禹十三能誦
書二十事軍旅徒步觸紛亂杖策赴光武子房居帷幄狀貌如
處女歛然引而西師行若風雨功名耀天壤食邑封萬戶煌煌
京雒間赫赫威簪組吾身不自勵何以任艱鉅

先民有述作我懷殊斐然惜哉文章士美志終自捐自從騷雅

歇風流逮建安朱漆無楨幹光澤亦壯觀七子既齊軌託乘從
遊盤鳴笳動前路哀箏寫餘懽諒無箕山志了此車馬緣弱豪
多所寄脂燭徒自煎古稱三不朽其次適立言

月過天無雲池平水如鏡千形併一視眾籟歸至聽高下既散
殊羣動各受命所以人爲貴豈不在本性草榮知歲和木落感
風勁緬彼巖下松亭亭自端正

戰國搆昏亂儀秦競從衡翩翩四公子同時振英聲鐘鳴集賓
客綬士傳令名車馬耀通衢珠履羅前楹結交屠沽中談笑王
侯傾食客何足貴所貴禮意誠雖無王伯魯國亦賴以寧處憂
笑毛遂刎頸悲侯嬴功成不受賞偉哉魯連生

鳥悅秋雲輕逸響竟天長魚行潭樹下遊戲蘋藻芳而我眺平
楚覽古何茫茫江南八九月橘柚日以黃歌吹絲與竹羅衣舞
金堂左手持雙螯右手把一觴醉來心復樂期此於壽康

春榮無朽枝夏木無彫翠眾鳥各有求豈不念同類仁殘既殊
稟高卑亦異位矯矯獨行士譏毀乃交至譏毀亦何傷惜此澄
清志一旦事已及名高禍益熾始欲擊鷗鷺而謀養鷹鷂飛
啄殘肉鷹飽亦揚翅舉世皆悠悠誰復知此意古訓詎我欺
蒼蒼不同器

青青琅玕竹中有孤鳳聲琅玕未及實鳳鳥何時鳴不鳴亦不
翔一鳴天下清朝飲醴泉水暮栖白玉京豈不常忍饑羞與雞

驚爭

西京重考吏治行首壘黃所貴察民隱民氣使不傷酷吏如蜂
蠆貪吏如虎狼我讀循吏傳功績在農桑積粟慰我饑餘布成
我裳不饑亦不寒歌詠化日長爲吏苟如此井邑無流亡選吏
苟如此萬里仁風翔

磷磷淵邊石青青水中蘋探之薦宗廟可以羞鬼神江漢一何
廣王風蕩無垠韜軒四馳驅羣英盡來賓熙朝耀光采天地
含清新暄風無潛穎洪澤多躍鱗稽首進昌言揚休照千春請
効擊壤歌臣本蚩蚩氓

讀秦始皇本紀

誰謂始皇黠我謂始皇愚秦時禁令疑獨疎大索天下追亡逋
十日不獲事則已下邳橋邊人進履不知郡縣竟何如想見關
津聊復爾五帝不足多三王不屑視懼此敗簾堆中之故紙朝
銷鋒鏑暮焚書萬歲千秋從此始鋒鏑可銷書可焚華陰遺璧
滈池君鮑魚之臭不可聞中原鹿走大蛇分關中一片芒碭雲
重瞳虎視驅羊羣降將裂土邯鄲欣黔首盡化爲三軍子嬰肉
祖何足云泰山高高豎碑石風雨剝蝕迷篆文此時父老苦秦
久誰其聞者桃源口桃源花竹散千家戶口不登竟誰有雲樹
雖難漁子舟版圖弗入蕭何手紫芝一曲商山翁漢王昔已高
其風乃知賢者不得已而避世若令在位奚遜乎夔龍始皇私

不及此其視天下皆顛蒙七國之富一夫獨膏血填盡阿房宮
阿房一炬咸陽紅美人鐘鼓寒灰中

哭八季父

有序

季父諱

綸元

號凱庭生而穎秀沉靜寡言笑性好潔爐香茗

椀終日晏如余垂髫時即侍其一塾經籍甚肆志也乾隆庚
午中京兆試副車以貴銓博士未仕而終年纔三十云

季父季父歸何鄉抑塞磊落能文章去年八月舉子忙淬厲鋒
鏑森寒鉅槐葉黃過天雨霜策蹇潞河呼一航鎖闥未撤帆早

張使我離思空茫茫

癸酉余充外籐官
叔川塲後先南歸

歲晚傳來書數行上言

母老未得將聊營微祿苜蓿香下言薄產半就荒硯田寂窳無

宿糧書生寒餓卧且僵中夜不寐心徬徨三復書語何琅琅書
中語多意難量意長豈得謂不祥嗚呼季父歸何鄉鄉人告予
殊未詳心血嘔出身天亡我昔與叔同一堂丹鉛甲乙窮縹緲
松濤捲空雨打牆竹色照檻風鳴廊高歌擊節却復揚哀音苦
調繞屋梁真心初若錐處囊脫穎一出銳莫當積此十年以爲
常如此刻苦真自戕北遊京華氣激昂朱門宴會羅酒漿白日
不出依僧房偶然跨馬倚葛疆適館乃涉易水陽荆軻已去木
葉黃萬山迴合虎豹藏書聲出戶風聲長魑魅竊聽窺燈光拔
劍四顧山蒼蒼

叔嘗就館於西陵總管某都統處夜有鬼闚其戶而叔讀書自若

主人鼎食吹

笙簫朝餐一鹿麋一獐腐儒麤糲空壺觴可憐文字撐枯腸我

初聞之涕霑裳自我入官承筐篚度支紅粟出太倉荼苦薺甘
聊共嘗一飽豈辨糲與糠鵬鷃之志非稻粱蛟龍得雨宜騰驤
地下忽作脩文郎如何不哀哀思傷哀詞欲吐睇北邙望之不
見淚淋漓西風淒淒雁南翔四郊搖落吹白楊魂招不來夜未
央忽忽夢見在我旁攬衣欲語走踉蹌猶聞玉佩聲鏘鏘已覺
境轉廻林塘恍然心悸月照廂井梧蕭瑟枕簟涼嗚呼季父歸
何鄉潔樽欲薦靈風颺

上巳同諸公遊王氏園林東王七編脩

懿德

三日春光水一村萬絲楊柳半遮門空梁舊燕交紅影缺岸新
波上綠痕脩竹池亭聯少長惠風懷抱同壺尊永和人去今誰

在爲問君家好弟兄

吳大揖峯

峻

枉過酌酒論文奉答和韻

四海皆旅人歟
椽傍蕭寺之子
惠然來訪我蓬
門閉昨來讀楚
騷四壁有秋意
今來吟陽春春
風吹薜荔古人
重論文今人棄
如屣置酒摘我
蔬相與晰疑義
微雨過階除草
樹發新翠寓目
成奇文何必糾
糾字遊心白雲
天置身羲皇地
我已忘形骸形
骸詎我累

送揖峯歸里

故家同里巷客路見交知
人去專諸塔花開泰伯祠
溪聲雙屐雨山色一鐙詩
草色南窗下憑君問竹枝

余家與吳鄰巷中有專諸塔泰伯祠

白雲觀

暮蟬森木半陰晴亦有閒雲傍鳳城市上酒酣人擊筑樓中鶴
去客吹笙天涯白髮行逾健塵世黃金鑄未成結友板桐吾願
在何當松下飯青精

觀中道士不下五六十人
大半白髮垂肩往來乞食

重九前一日同秦帖齋薛璞庵蔣敬叔家持翁登陶然亭
時周捧齋先生以他事未至

客愁深與白雲堆初地吟筇又一回江浦西風紅葉寺金臺斜
日菊花杯縱橫棋局論成敗漂泊詩囊別體裁正是凭闌意惆
悵兩行低雁過城來

樹樹商聲葉葉霜銜杯露頂吸秋光尖風似箭傳遼海新月如

弓掛太行正憶

旌旗廻羽獵

時駕幸木蘭

可無詞賦擅長楊天邊

節物關心其塞北雲山入望長

萊衣遲我又三年欲插茱萸思邈綿介壽明朝逢菊序題糕新

句入鴻天

九日家嚴生辰

畫圖十老烟霞外

家嚴擬復魯山吟社繪十老圖

後鶴

雙扉杖履邊有子長安解相憶僧樓一角月初弦

千里雲寒去鳥遲商飈舊館暮鐘時眾山對酒盧前席九日登

臺未後期閱世種松誰老健論心歎竹自離披人間盡愛重陽

好搖落何須宋玉悲

題祝九

陽柯竹集

楚客吟秋滿秋氣搖落一身披薜荔焦尾空彈舊燒痕柯亭爲

譜新聲意新聲古調淒復幽騷人遷客雙淚流萬里湖舡青草
恨一聲柯竹蒼梧愁蒼梧烟深子規哭啼血爛斑點秋竹鸚鵡
洲空弔補衡神女臺荒迷宋玉洞庭木落九疑青一笛聲中萬
古情聲情絕處非絲竹漢水秋風黃鶴鳴

綱目

可畏千秋斧鉞誅微言將絕關榛蕪三分獨予劉先主一字難
斃莽大夫筆削豈容叅眾論乾坤未欲喪師儒紫陽特識麟經
意若決江河導泗洙

五代史

兵戈五季日相殘自識歐陽義例難纂國朱溫先得統傷心焉

道又除官祚移石晉君天下地割盧龍父契丹若使董狐南史
在不須班馬起波瀾

雪窗東帖齋

仙曹才子坐題詩半夜蛟龍起墨池朝來啟戶滿松雪凍鵲驚
飛花墮枝

臥病

蟋蟀鳴牀下淒淒寢席單秋風無靜夜病骨且禁寒頻歲親知
隔他鄉異患干妻孥強解事扶起勸加餐

捧齋先生枉過問疾

藥物那能具楚然聞足音簑帷坐我榻執手傷人心空巷門羅

雀殘燈鼠啣琴可知貧病感真愧雙南金

卧病浹旬同年范編修

核士

沈儀部

清任

屢枉見存書謝

飛雪侵簾額凝寒擁被池故人來問疾孤枕爲吟詩藥裹親親味茶烟鴈鬢絲自慙何水部沈范漫相期

病起卽事

節候已如此蕭然一榻餘庭空霜氣逼人靜樹聲疎卽事身以外游心物之初聽鐘發真想明月到窗虛

寄題石浪巷

古刹凌層嶂危樓帶九龍門前流萬壑檻外落諸峯雲涌濤生閣山鳴鳥避鐘排空看石浪風急夜還春

送春同柯二

蘭舉

何處送春歸還家春事非
酒闌花似靄門掩石生衣
逕草芟猶合園蔬摘更肥
祇應安拙養求學忘機

寂照寺呈嵩上人

頽陽不滿映流潦無定歸
舍光照禪性扣寂開僧扉
蕩然身心空坐見雲霞飛
方寸湛天末萬象生清暉
收視遊大鈞返喧入
聲希爲君証此義掛拂松風微

送人南歸寄鮑三

汀

送客駐蘭槳鱗鱗生夕雲
故鄉渺何處千里獨思君
經傳無奇字山林有大文
遙憐叢桂樹香發月中聞

溪上九峯靜詩人溪水邊應從大愿子一證小乘禪古月掛青壁高雲生綠天新涼知有憶拂杖動秋烟

懷端操楊丈

我愛太乙子難藜夜照文先其豈其是於道何殷勤桂樹滴香雨鶴聲流響雲秋江渺難涉離思徒紛紛

秦穀菴比部齋中觀定武蘭亭

仙郎白首豐眉鬚示我真本蘭亭書字微帶肉骨雄勁仰作針

眼蟹爪殊

仰字如針眼殊字如蟹爪列字如丁形字微帶肉是古刻真本

右軍作書惟愛此他

日復書都不似三百二十五字間石刻亡來神在紙石刻亦千

百聚訟何紛紛定武有三本劉損識其真

熙寧間薛師正出牧求者皆至薛惡其境

打有損乃刻別本于外多持此以惠求者此本真贋已有二刻矣其子紹彭又摹之它石潛易原刻遂於古刻端流帶左右五字各刻損一二譬如山陰之遊四十有二人至今傳者王右軍筆暗以自別

其餘諸子亦可數未若蘭亭有定武惜哉蠶紙入昭陵遂令玉匣埋終古唐臨晉帖漸癡肥竟欲將身作虞褚何不生余貞觀中手摹墨本蘭亭序我聞墨本傳自智永僧太宗取之辨才院

五季圖書盡散亡何由定武能重見玉華宮宣和殿翰墨漂流

市朝變

大觀中詔取此石於薛氏家藏廟龕置宜和殿高宗駐蹕維揚日置左右虜騎至倉卒渡江竟失之

南渡

以還亂真贋趙家承旨爰臨池肥瘦穠纖苦費辭此是中原舊

時本石今焉往落東夷

二語王

神龜如意何足道第一摩挲希

世寶

隋末廣州僧有三寶一曰蘭亭書二曰神龜三曰如意太宗既取蘭亭真跡僧曰第一寶無之其餘何爰乃取神龜

如意皆
棄之

雨止城南訪友

歸雲翻樹沒山腰
隔水幽人近可招
嶺外殘虹猶似帶
波心卧柳不成橋
琴樽自與功名冷
邱壑偏爲雨氣驕
高步天池吾亦笑
坳堂舟芥漫逍遙

丙子秋隨

駕木蘭行圍道中恭賦八首

壯心千里服珊瑚
年少應騎汗血駒
射虎欲穿雞塞遠
放鷹先出鳳城隅
清塵警蹕傳三輔
馳道鳴鐘靜九衢
我后紹衣

先聖緒小臣蒙筆効前驅

天接烏桓夜氣清帳前落葉覺秋生不逢鄒衍教吹律欲表田

疇勸讓耕燕市西風宜駿馬秦時明月照長城寄言臺省諸公

在伏枕何如屢蹕行

羽獵長楊未足誇榆關遙望湧銀沙天門夜雨噓龍氣夜發南天門雨

石匣地秋霜燂劍花萬井燠寒勤省歛一年租稅聽宣麻

經過地方免賦十分之三卽看父老扶鳩杖猶是汙邪祝滿車

過山秋雨石嶙峋曉策車徒見廣仁嶺名龍角夜分清六氣鸞旂

天半動三辰尙傳獲雉祠陳寶早卜非熊起渭濱侍從敢懷銜

槩慮決雲一劍總隨身

離宮避暑翠微間佳氣全歸 禁裏山闌苑極天雲紉縵瓊林
終日水潏潺獸能率舞遊 仁藏海不揚波靈 聖顏指點遼
西餘故壘斷蟬疎柳露烟凝

絕壁青紅大峒奇白榆門戶柳藩籬雲梯虎旅三千乘神策龍
驤十萬師天上麒麟看踐履 禁中頗牧見威儀不徒八九吞
雲夢齊楚何煩費賦詞

風毛雨血下層霄萬騎驍騰不敢驕飛鳥後先爭入駿關弓左
右接雙雕旌旗徑闢秋空闊刁斗聲嚴夜寂寥明發更登高處
望 六龍迴馭塞雲遙

萬歲歡聲動羽林侍臣傳 賜拜多禽黃花白酒重陽好雲罕

響泉集

詩二

古

重校定本

霓旌七苑深已解成湯三面網更調虞帝五絃琴車攻吉日賡
歌盛中外咸聽管籥音

論詩四首

陶靖節

陶公癸皇土遺我遺世情北窗弄和風太音本希聲道腴化爲
液冲澹含晶瑩履霜知天寒木落知松貞贈答寓形影意與樽
罍傾遙遙千載心孤雲縱復橫

謝康樂

天下一石才大謝得一斗日月交暉光清暉麗羣有思發則雲
翔理積坤軸厚扶輪建安製高躡風騷後方從五嶽遊一施巨

靈手君子懷令名文行以爲壽

鮑明遠

明遠信才健滄海發珠貝矯矯如饑鷹孤出跨兩代古風蕩餘
哇雕琴函璫琕中有西京骨秦嶺忽破碎漢魏揚波瀾李杜仰
沾漑頗亦傷險仄下視羞粉黛

謝宣城

小謝躡星辰青山振遺響敬亭朝夕佳雲生北樓上餘霞帶遠
天清景赴遐想逋臣渤澥春月明河漢廣飄風墮秋蒂明玕照
天朗前無二百年後爲百世獎

寄薛大庶常

同玉同年

我昔塞垣去短衣辭璞庵我今塞垣歸璞庵返江南知習遭大
故奔喪月逾三水宿兼風餐衰毀恐不堪將母悲未遑失帖墜
靡瞻血淚豈不灑莫向慈闈霑所以廢蓼莪裁悲意猶含愧我
缺弔祭薤露書之縑大孝惟守身大禮君所諱愴然望天末白
旆飛征驂

呈族伯孝謀比部

時伯就
予同寓

拂袖寒烟下直廬閒階運甓復何如清風未埽陳蕃室古巷空
停長者車臣叔真堪濟以上寸陰尤惜歲之餘長安索米垂簾
坐還似涇臯日著書

雲波篇答嵩旨上人

山不厭雲水不厭波波生雲滅山水奈何曰有山水雲波終始
離而去之山水之死一拳一勺胡不海嶽沐英浴靈雲波自若
波斯蠻斯山水自爲波斯雲斯山水不知

戲題王

有

爛桃視

時賢公四
上公車

桃花落桃葉青竊桃小兒是歲星歲星一墮久不見待詔公車
來曼倩袖中桃子幾千年攜入絳門化爲硯西池桃始華南山
石欲爛我爲東方朔客難君讀東方朔像贊

食菜

予性樂蔬食方秋苗黃芽藏甲含朝暄根荻吐霜華連畦屬老
圃塵擔出田家稼穡兼作甘酸鹹亦頻加充我藜莧腸式食如

錢霞官菜滿都市著水拖泥沙此色不堪民此味洵可嘉晚菰
與早韭對此不敢誇愧非賣菜傭起爲閭丁嗟耕鑿順時令帝
力寧有涯

響泉集詩二

無錫文苑閣排印